



Concello de Betanzos
Praza de Galicia, n.º 1, 15300 Betanzos, A Coruña

Teléfono: 981 770 011

Fax: 981 776 529

web: www.betanzos.net

sede electrónica: <https://sede.betanzos.es>

endereço electrónico: correo@betanzos.net

BASES DO SERVIZO DE CAMPAMENTOS DE VERÁN BETANZOS CONCILIA 2025

OBXECTO

Os campamentos de verán Betanzos Concilia 2025 supoñen unha alternativa de lecer para a rapazada de 3 a 12 anos do municipio de Betanzos, cunha dobre finalidade: a de permitir a conciliación familiar, laboral e persoal das familias betanceiras; e a de ofrecer un espazo de esparcemento para nenas e nenos en igualdade de oportunidades. Tamén persegue contribuír a diminución das desigualdades sociais e favorecer a integración dos/as menores en risco de exclusión social.

Tanto transversalmente como en actividades específicas traballaranse a igualdade de xénero e o fomento da lingua galega.

OBXECTIVOS

Os principais obxectivos son:

- Reforzar a igualdade de oportunidades na infancia.
- Favorecer a conciliación da vida familiar, persoal e laboral das familias.
- Promover a integración social dos/as menores en situación de risco.
- Previr situacións de vulnerabilidade e exclusión social nos/as menores.
- Promover o uso da lingua galega e a nosa cultura.
- Desenvolver habilidades sociais en nenos e nenas para relacionarse adecuadamente.
- Fomentar a convivencia e ampliar o marco de relacións dos/as menores.
- Promover o respecto á diversidade.
- Fomentar o desenvolvemento da creatividade e as propias competencias a través do xogo.

- Fomentar a comunicación e a iniciativa capacitando para a toma de decisións.
- Fomentar o respecto pola contorna máis inmediata e pola cidade onde viven e o medio ambiente.
- Fomentar a afección por actividades ao aire libre, exercicio físico, e o traballo en equipo.

PERSOAS DESTINATARIAS

Poderán solicitar a súa participación nos campamentos de verán Betanzos Concilia 2025 as familias de nenas e nenos que se encontren entre os **3 e os 12 anos cumpridos, con datas de nacemento entre os anos 2013 e 2021**, e que reúnan algunha destas circunstancias:

- **Empadroados/as no Concello de Betanzos.** O Concello comprobará a veracidade de dito empadramento.
- **Non empadroados/as** no Concello de Betanzos, unicamente no caso de que quedasen **prazas dispoñibles**, e por orde de inscrición.

Quen teña unha **discapacidade igual ou superior ao 33%** poderá participar nesta convocatoria aportando no **momento da solicitude** o correspondente **certificado de discapacidade**, ademais dun **informe médico, educativo ou social** no que se valore que o/a menor posúe a capacidade de integración nun grupo e que as súas necesidades especiais lle permiten participar e beneficiarse das actividades que se van desenvolver.

LUGAR E DATA

Os campamentos Betanzos Concilia desenvolveranse nas dependencias do **CEIP Francisco Vales Villamarín**, e para facilitar en maior medida a conciliación laboral e familiar, realizaranse 3 quendas diferenciadas, de luns a venres agás festivos, do seguinte xeito:

- **1ª quenda:** do 23 de xuño ao 4 de xullo (10 días).
- **2ª quenda:** do 8 de xullo ao 24 de xullo (14 días). Festivo o venres 25 de xullo.
- **3ª quenda:** do 28 de xullo ao 14 de agosto (14 días).

Un mesmo menor poderá optar ás tres quendas, se ben no momento da solicitude deberá marcarse unha como **preferente**.

HORARIO

- Hora de entrada ordinaria: Ás **08:00 horas** ou ás **09:00 horas**.
- De 08:00 a 09:00 desenvolverase o **servizo de Mañanceiros** sen almorzo e sen custe adicional.
- Hora da recollida: **Flexible entre as 14:00 horas e as 15:00 horas**, para favorecer a conciliación. Non se poderá recoller a ningún/ha menor pasados 10 minutos das 15:00 horas.

PRAZAS

Ofértanse un máximo de **180 prazas**, **60 prazas en cada unha das 3 quendas**. Será necesario un **mínimo de 16 nenos/as** en cada quenda **para realizar a actividade**.

CUSTO

- O custo do servizo será de **50 € por neno/a en cada quenda** en consonancia co acordo da Xunta de Goberno Local publicado no BOP da Coruña do 13/07/2015 .
- **Desconto do 20% en cada fillo/a** no caso de **acreditar ser familia numerosa** no momento da solicitude, acompañando o certificado correspondente.
- Reservaranse **15 prazas** en total para **casos de exclusión social** debidamente acreditados polos Servizos Sociais Municipais. As familias deberán **marcar expresamente este cadro na solicitude**, e **pedir cita coa traballadora social** de zona para a súa comprobación.

ACTIVIDADES

As actividades terán como **eixo vertebrador a igualdade** entre nenas e nenos, a través de iniciativas lúdicas de ocio e tempo libre (xogos, obradoiros, etc.).

A través do **xogo cooperativo** trataranse valores de respecto, igualdade de oportunidades, resolución de conflitos e o fomento da nosa cultura e lingua galega.

Ademais, realizaranse **visitas** ao campamento e **saídas** a outros municipios galegos.

PERÍODO DE INSCRICIÓN

Os prazo de inscrición será o seguinte para todas as quendas:

Do luns 12 de maio ao luns 26 de maio, ambos días incluídos.

A presentación de inscricións realizarase **preferentemente a través da sede electrónica do Concello de Betanzos** <https://sede.betanzos.gal> **no apartado de Servizos Sociais e no trámite Solicitud Inscripción Campamentos verán Betanzos Concilia 2025.**

Recordamos que para utilizar a sede electrónica é preciso dispoñer de Certificado electrónico, DNI electrónico ou Cl@ve permanente.

Excepcionalmente, as persoas que acrediten que non contan cós medios necesarios para realizalo por esta vía, poderán presentala solicitude nas dependencias dos Servizos Sociais.

DOCUMENTACIÓN A APORTAR NA INSCRICIÓN

A **documentación** necesaria para realizar a inscrición será:

- Impreso de **solicitud** debidamente cuberto, que poderá obterse en:
 - Sede electrónica do Concello de Betanzos. <https://sede.betanzos.gal>
- Fotocopia da **tarxeta sanitaria** do/a menor.
- **Título de familia numerosa**, se se solicita a bonificación por ese concepto.
- **Certificado de discapacidade, se corresponde**, así como **informe médico, educativo ou social** no que se valore que o/a menor posúe a **capacidade de integración nun grupo**.
- Para as **prazas reservadas por risco de exclusión social**, a documentación necesaria para realizar dita valoración por parte do departamento de Servizos Sociais.
- Se a nena ou o neno tivese algunha **alerxia ou intolerancia alimentaria**, ou tivese que **administrar algún tipo de medicación**, non é preciso acreditarlo documentalmente, pero si **marcalo expresamente na solicitude**.

ADXUDICACIÓN DE PRAZAS

- **Directa:** a adxudicación será directa no caso que non se supere o número de prazas dispoñibles.
- **Sorteo público:** Se o número de solicitudes supera as prazas dispoñibles, antes da publicación da listaxe provisional de admitidos/as realizarase un sorteo público no **Salón Azul do Liceo**, o **mércores 28 de maio ás 09:30 horas**. Os irmáns e/ou irmás inscritos/as para a mesma quenda participarán no sorteo cunha papeleta única. Así mesmo o sorteo dará lugar a unha lista de agarda.

No caso de que as familias dos/as admitidos/as renuncien á praza obtida por sorteo, chamarase telefonicamente aos/ás integrantes da lista de agarda. No caso de non ser localizados/as tras tres chamadas a diferentes horas, pasarase ao/á seguinte da lista.

No caso de existir prazas vacantes xa iniciada a actividade, as crianzas poderanse incorporar nela despois do comezo do campamento, sempre que se conserve a ratio monitor/a-nena/o.

PUBLICACIÓN DAS LISTAXES DE PERSOAS ADMITIDAS

A **listaxe provisional** de admitidos/as publicarase o **venres 30 de maio**, tras a realización previa do sorteo público, de ser este preciso.

Darase un prazo máximo de **3 días hábiles para reclamacións e renuncias**. Pasado este tempo, publicarase a **listaxe definitiva**. De non existir reclamacións nin renuncias, a listaxe provisional elevarase a definitiva. En todo caso, esta publicarase o **venres 6 de xuño**.

Ambas listaxes poderán consultarse na **páxina web municipal** <https://betanzos.es> ou nos **taboleiros de anuncios de Servizos Sociais e o Edificio Liceo**.

PAGAMENTO

As cotas pagaranse unha vez aparecido na lista definitiva de admitidos/as o nome do/a neno/a e sempre con anterioridade ao inicio da actividade a través da **Oficina Virtual Tributaria do Concello de Betanzos**.

https://sede.betanzos.gal/sxc/es/procedimientosytramites/tramites/OficinaVirtualTributaria_N

Unha vez nesta plataforma, ir a **Autoliquidar e pagar taxas** da páxina de inicio, onde deberá introducirse o DNI da persoa solicitante e seleccionar o apartado **Prestación de servizos, subapartado Prestación de servizos – Campamento urbano**.

No despregable **Tarifas** deberase escoller a **quenda ou quendas** que procedan segundo o listado de persoas admitidas.

En virtude da ordenanza reguladora, as persoas solicitantes que teñan a **condición de Familia Numerosa** terán unha **bonificación do 20% en cada filla/o** participante, que non inclúe os servizos de almorzo e xantar. Para aplicala, dentro de cada quenda, no despregable *Bonificación* deberase escoller a opción *Familia Numerosa 20%*.

A continuación xerárase o **documento de pago**, que pode descargarse para **abonar presencialmente** en calquera oficina ou caixeiro das entidades **Abanca ou Sabadell** ou ben **pagarse directamente con tarxeta** desde a opción **Pagar**. En ambos casos, garde o xustificante de pagamento.

Deberá realizarse unha autoliquidación por cada filla/o inscrito no Campamento Urbano Betanzos Concilia.

Unha vez realizado o pagamento, **o xustificante debe enviarse por correo electrónico** a marta.pineiro@betanzos.gal ou entregarse nas dependencias dos Servizos Sociais municipais.

O **prazo máximo** para o pagamento e o envío de xustificante de pago será **o mércores 18 de xuño**.

Para calquera **dúbida** con respecto á Oficina Virtual Tributaria poden poñerse en contacto co departamento de Servizos Sociais no **981.77.07.07** ou co departamento de Tesourería no **981.77.00.11**.

DEVOLUCIÓN DE TAXAS

Unha vez obtida a praza e aboado o prezo da quenda correspondente, **unicamente devolverase a taxa** se a/o menor non puidese acudir aos campamentos **por causa médica, tras aportación de solicitude de baixa e informe médico correspondente, antes do inicio da actividade**.

Se a/o menor inicia o campamento e por causa sobrevida non pode continuar no mesmo, non se devolverá a taxa.

Se existise un **erro á hora de pagar as taxas do campamento**, por non encontrarse a/o menor incluído nalgunha das quendas abonadas, **a solicitude de devolución de taxa deberá realizarse por sede electrónica ou rexistro**, non realizando o Concello este trámite de oficio.

REUNIÓN INFORMATIVA

Realizarase unha reunión informativa para as familias coa empresa encargada do desenvolvemento do campamento no **Salón Azul do Liceo**:

- **Martes 17 de xuño ás 19:00 horas.**

NORMAS

A inscrición na actividade supón o compromiso de aceptación das normas.

Dereitos das persoas usuarias:

- Bo trato por parte do persoal do servizo e dos/as outros/as usuarios/as.
- A confidencialidade sobre os seus datos sanitarios, económicos e sociofamiliares.
- Proporcionarlle a atención socioeducativa precisa para o seu desenvolvemento integral.
- Favorecer a súa participación no servizo.

Obrigas das persoas usuarias:

- Incorporarse á actividade nos horarios establecidos.
- Non abandonar a actividade sen autorización da persoa responsable.
- Entregar a documentación requirida.
- Para a recollida das/os menores sempre será requirida a comparecencia dalgunha das persoas que figuran autorizadas.
- Respetar as normas establecidas polos equipos de monitores de cada campamento, así como as de réxime interno das instalacións onde se desenvolvan.
- Non transferir a praza asignada.
- Manter unha actitude de respecto e consideración co persoal e cos/as demais usuarios/as.

O incumprimento reiterado das normas establecidas suporá causa de baixa.

A alcaldesa, María Barral Varela.

Betanzos, 5 de maio de 2025.

ANEXO I. SOLICITUDE

SOLICITUDE CAMPAMENTOS DE VERÁN BETANZOS CONCILIA 2025. DO 12 AO 26 DE MAIO.

DATOS DO/A NENO/A										
NOME:					APELIDOS:					
DNI/NIF:					TELÉFONO/S:					
IDADE:					DATA NACEMENTO:					
ENDEREZO POSTAL:										
CIDADE:					PROVINCIA:				C.P.:	
EMPADROADO/A:		☐ SI ☐ NON		PADECE ALERXIA/S?:		SI ☐ NON ☐		CAL?:		
PRECISA DISPENSAR ALGUNHA MEDICACIÓN?		☐ SI ☐ NON		COMENTE A QUE HORA E EN QUE DOSE:						
PRESENTA ALGUNHA DISCAPACIDADE?		☐ SI ☐ NON		INDIQUE O GRAO RECOÑECIDO:						
QUENDA PREFERENTE										
1ª (do 23 de xuño ao 4 de xullo) ☐ 2ª (do 7 de xullo ao 24 de xullo) ☐ 3ª (do 28 de xullo ao 14 de agosto) ☐										
OUTRAS QUENDAS DE INTERESE										
1ª (do 24 de xuño ao 5 de xullo) ☐ 2ª (do 8 de xullo ao 26 de xullo) ☐ 3ª (do 29 de xullo ao 14 de agosto) ☐										
Entrada: ☐ 08:00 h ☐ 09:00 h					Saída: ☐ 14:00 h ☐ 15:00 h					
De 08:00 a 09:00 a rapazada poderá almorzar. O almorzo o traerá cada neno/a da casa.										
INGRESOS DA UNIDADE FAMILIAR										
☐ ATA 6,5 VECES O IPREM ☐ DESDE 6,5 VECES O IPREM ATA UN 15% MÁIS										
AUTORIZO										
AO CONCELLO DE BETANZOS A CONSULTAR NO PADRÓN MUNICIPAL OS MEUS DATOS DE EMPADROAMENTO. ☐										
SOLICITO BONIFICACIÓN POR RISCO DE EXCLUSIÓN SOCIAL (PRECÍSASE INFORME DE SERVIZOS SOCIAIS, DEBERÁ SOLICITAR UNHA CITA NO MESMO DEPARTAMENTO).								☐		
AUTORIZACIÓN PARA A ASISTENCIA A SAÍDAS (Pai/ nai ou titor/a).										
NOME E APELIDOS:							DNI/NIF:			
COMO PAI/NAI OU TITOR/A DE:						☐ AUTORIZO		☐ NON AUTORIZO		
A ASISTIR A TODAS AS SAÍDAS PROGRAMADAS FÓRA DO LUGAR HABITUAL DE DESENVOLVEMENTO DO CAMPAMENTO.										
AUTORIZACIÓN PARA O USO DE IMAXE DO/A MENOR DE IDADE (Pai/ nai ou titor/a)										
NOME E APELIDOS:							DNI/NIF:			
COMO PAI/NAI OU TITOR/A DE:						☐ AUTORIZO		☐ NON AUTORIZO		
AO CONCELLO DE BETANZOS Á PUBLICACIÓN E REPRODUCCIÓN EN DIFERENTES MEDIOS (PUBLICACIÓNS, PÁXINA WEB, REDES SOCIAIS...) DAS FOTOGRAFÍAS EN QUE APARECE O MEU FILLO OU FILLA PARTICIPANDO EN ACTIVIDADES ORGANIZADAS POLO CONCELLO DE BETANZOS. ESTE MATERIAL GRÁFICO ESTARÁ SUXEITO A USO EXCLUSIVAMENTE EDUCATIVO E DIVULGATIVO.										
LUGAR:				DATA:			SINATURA:			
ANEXO II. INFORMACIÓN SOBRE CAMPAMENTOS DE VERÁN BETANZOS CONCILIA 2025										
CAMPAMENTOS DE VERÁN BETANZOS CONCILIA (1ª- 2ª- 3ª QUENDA)										
Actividades de lecer pedagóxico e de carácter convivencial, con eixo vertebrador a igualdade entre nenas e nenos.										

DATAS: 1. ^a QUENDA: 23 XUÑO - 4 XULLO 2. ^a QUENDA : 7 XULLO - 24 XULLO 3. ^a QUENDA: 28 XULLO - 14 AGOSTO (DE LUNS A VENRES, AGÁS FESTIVOS)		LUGAR: CEIP FRANCISCO VALES VILLAMARÍN.	
HORARIO: ENTRADA 08:00 HORAS OU 09:00 HORAS – SAÍDA ENTRE AS 14:00 HORAS E AS 15:00 HORAS. DE 08:00 A 09:00 A RAPAZADA PODERÁ ALMOZAR. O ALMOZO O TRAERÁ CADA NENO/A DA CASA.			
IDADES: 3 – 12 ANOS.		+ INFO: 981 770 707	
PRAZO DE INSCRICIÓN: DO 12 AO 26 DE MAIO			COTA: 50 EUROS
LUGAR DE INSCRICIÓN: SEDE ELECTRÓNICA DO CONCELLO DE BETANZOS.			
PAZAS: 60 POR QUENDA (REQUIRESE UN MÍNIMO DE 16 PARTICIPANTES POR QUENDA PARA REALIZAR A ACTIVIDADE).			
DOCUMENTACIÓN IMPORTANTE NO MOMENTO DA SOLICITUDE			
É imprescindible achegar a solicitude específica para os campamentos Betanzos Concilia habilitada na sede electrónica do Concello de Betanzos. Para todos os menores será necesario entregar unha copia da tarxeta sanitaria xunto coa solicitude. De ser o caso, entregárase coa solicitude certificado de discapacidade, título de familia numerosa e documentación acreditativa de pedirse praza por situación de vulnerabilidade ou exclusión social.			
SOBRE ADXUDICACIÓN DE PRAZAS E PAGAMENTO DA COTA			
As prazas adxudicaranse de forma directa ou por sorteo público se a demanda excede o nº de prazas. Terán prioridade os/as nenos/as empadroados/as en Betanzos. A adxudicación das prazas publicárase na páxina web https://betanzos.es antes do inicio da actividade. As cotas pagaranse unha vez confirmada a praza e antes de iniciar a actividade a través da Oficina Virtual Tributaria do Concello de Betanzos. https://sede.betanzos.gal/sxc/es/procedimientosytramites/tramites/OficinaVirtualTributaria_N Unha vez nesta plataforma, ir a Autoliquidar e pagar taxas da páxina de inicio, onde deberá introducirse o DNI da persoa solicitante e seleccionar o apartado Prestación de servizos, subapartado Prestación de servizos – Campamento urbano. No despregable Tarifas deberase escoller a quenda ou quendas que procedan segundo o listado de persoas admitidas. En virtude da ordenanza reguladora, as persoas solicitantes que teñan a condición de Familia Numerosa terán unha bonificación do 20% en cada filla/o participante, que non inclúe os servizos de almorzo e xantar. Para aplicala, dentro de cada quenda, no despregable Bonificación deberase escoller a opción Familia Numerosa 20%. A continuación xerárase o documento de pago, que pode descargarse para abonar presencialmente en calquera oficina ou caixeiro das entidades Abanca ou Sabadell ou ben pagarse directamente con tarxeta desde a opción Pagar. En ambos casos, garde o xustificante de pagamento. Deberá realizarse unha autoliquidación por cada filla/o inscrito no Campamento Urbano Betanzos Concilia. Unha vez realizado o pagamento, o xustificante debe enviarse por correo electrónico a marta.pineiro@betanzos.gal ou entregarse nas dependencias dos Servizos Sociais municipais. O prazo máximo para o pagamento e o envío de xustificante de pago será o mércores 18 de xuño. Para calquera dúbida con respecto á Oficina Virtual Tributaria poden poñerse en contacto co departamento de Servizos Sociais no 981.77.07.07 ou co departamento de Tesourería no 981.77.00.11.			